

曝書亭集附

笛漁小集

二十

蘇子卿

PDG

笛漁小橐卷第六

秀水 朱昆田 西駿

途中和答張闇成六首

故人一半飄長翮
惟我卑飛劇可憐
帖地只應隨燕雀
嬾將短翼刺青天

年來意氣撓消磨
窮達其如有命何
翻怪當年王處仲
唾壺擊缺尚高歌

牀頭有蝎真堪畏
案上多蠅最可憎
顧我狂如浣花老
每思赤腳踏層冰

長途最喜得良交
酒分詩情特地豪
君本有才過屈宋
我應無目短劉曹

張郎筆力能扛鼎
跋扈飛揚冠一時
今日看予避三舍
始知

文陣有雄師

滿地江湖發興新浮家只願學玄真會當一棹黃塵首常作
烟波自在人

題青溝朴上人小影三首

千林紅綻三光杏十里青排五粒松他日相尋半山路畫圖
約略記雲峰

山廚夜火蒸黃獨野菜春風長豆苗間倚長松無一事靜看
日影過溪橋

薊北埃風日日吹沙塵黃不到山茨分明歡喜阿羅漢傳寫
龍眠李伯時

題蔡中允早朝圖二首

紅珠帳煖翠衾香初試溫磨豆蔻湯門外馬頭風細細又馱

殘夢入宮牆

十二銅街漏水催玲瓏
鬢子挽慵來自從
朵殿簪毫後無復閒情詠玉臺

題梅定九山居圖

白雲攔斷峰腰路
紅葉斜開嶺上門
酒一千餅書万卷只留老友住山村

戲題嫦娥折桂圖

十分圓月暈微黃
桂樹婆娑影漸長
笑折花枝踏濃露
夜涼親自覓吳剛

送蔣上舍歸里二首

鞍背船唇漸不支
涼宵有夢戀東籬
何如鄉里開冬學
老作兒童句讀師

愁裏匆匆送子行
蹇驢整蹕片帆輕
村南村北相尋便
恨我還家計未成

與庾齋話別用無亢韻二首

還往無人溫卷生
秋風又作苦辛行
酒邊三日遲君去
雨雨風風最有情

面槁心灰鬢髮殘
家書猶自說平安
世間未有窮如我
莫作尋常敗舉看

送幼鯤遊嵩山四首

錢郎才氣真無敵
萬里秋旻鷹隼橫
此去學書并學劍
底須淡墨榜題名

我曹面目寒如鐵
豈有熱官相往還
不學乞兒爭向火
自應僵臥老空山

紛紛凡肉飾華鞦伯樂難逢死即休莫怪馬房諸廝養眼中
原不識驊騮

君向嵩山結草亭亭前三十六峰青惟携一把金鴉觜日日
松根采茯苓

和王清遠西城別墅詩十三首

石帆亭

峯如巾子高亭比艇子窄不因五兩風常挂一片席肯學湖
海人換柁騎浪脊

樵唱軒

朝樵斧丁丁暮樵擔納納樵風一以送樵唱互相答欲尋樵
子語前路白雲合

半偈閣

千轉陀羅尼八念阿那律盡祛文字煩半偈了可畢午夢曲
尺牀春浮影入室

大春軒

蜉蝣葉底飛螭蛄草間語不知大春年乃有八千許軒中著
書人上與蒙莊侶

雙松書塢

塢間所移松恰得杜陵半枝垂鸛鵲踏花落鼯鼯竄安得宏
偃筆對之寫直幹

小華子岡

平岡路逶迤下上可登陟割來輞川圖寸寸皆秋色泉流小
草中瀟瀟鳴不息

小善卷洞

洞戶深窈窕石扇生苔衣習坎行有尚肥遁心所希偶持松
炬火亦有蝙蝠飛

春草池

謝公春池上草與水色同語鴨菰葉裏睡鵝苗香叢有時明
月夜閒擲釣魚筒

三峰

華山有兒孫江郎有兄弟小大雖不齊削成亦具體亭亭三
朶峰一一露華洗

嘯臺

公子洵逸羣抑揚研嘯旨擁膝坐層臺泠泠風入耳乃知自
然音絲竹非所擬

石丈

車前望塵趨堤畔埽門謁何如呼石丈下拜具衫笏願學狂
米狂惜此百鍊骨

竹迳

綠玉萬餘个一迳風脩脩移來墨王亭喚作瀟灑侯課童埽
蛀粉延客煨貓頭

綠蘿書屋

書庫在城北書屋在城西薜蘿風裊裊綠映書籤齊何年突
相訪朱墨翻標題

為新城夫子題畫

竹枝鉤鏤水洄灣枯木查牙巨石頑不學吳裝徒斌媚天然
老硬似荆關

送悔人兄還楚

顓兄別我去歸卧楚江烟飯熟長腰米魚肥縮項鰻高堂雙
望眼才子十差肩樂事家庭得超然謝俗纏

壽黃封公六首

當年七聚早牽絲定武甕盤擊荔支盡說涪翁有家法輕紅
句並少陵詩

一從左宦下天津素雪千堆白勝銀七載西沽佐鹽筴何嘗
顓顓似靈均

蠻花犵鳥遍荒陬佐郡曾為萬里遊日酌靈泉一杯水至今
深箐有歌謳

本朝遼左比南陽大邑分符綬綰黃瀕海人家半漁捕催租
不用下村莊

關東魚美不論錢土菌綿梨味更鮮難得懸弧恰長至幽歌

聲裏瀉瓊船

玉堂官燭樺烟輕才子思親隔鳳城佇見雙鳬飛闕下六街
同聽漏琤琤

三月十五夜濟南道中遇雪同澗芳賦

來往齊州熟似家村旁古路認三叉風顛久擘千絲柳春老
還飄五出花入壠無聲滋小麥舞空有力戰飛沙晚登舜子
城樓去白玉堆中看離華

鍾聖與招諸同人泛舟大明湖八首

蘆筍齊抽碧玉簪柳垂長線水拖藍郭中到處通遊舫除却
江南便濟南

三分春色已過二湖上風光倍可憐縱使鍾郎無酒榼也須
終日恣洄沿

家家湖面築平堤，界畫分明似卦畦。
雇得藕夫先放水，一年一換種花泥。

湖邊亭榭搃荒涼，惟有韓家竹遶廊。
試問主人緣底事，不安牕子只安牆。

人生笑口劇難開，經歲良遊僅此回。
一事尚然餘悵望，敲冠不見趙三來。

謂豐原也

李杜遺蹤半有無，惟餘歷下一亭孤。
怪他後輩輕前輩，又作天心水面呼。

自從邊李登壇後，若箇詩才迴絕倫。
休說邇來名士少，諸君已是濟南人。

同游諸人皆先後流寓

山水齊州信足誇，山多藥草水魚鰕。
稻田半頃如容買，便借臨湖館作家。

過臨淮

病卧驟肩六尺輿飯糲餅大客嗟歔今朝喜向臨淮過一把
銅錢買鱸魚

贈宋山言三首

小宋詩才勝小蘇共驚文采似於菟他時修史燒官燭畫苑
應添半臂圖

龍文百斛筆能扛高築堅城受我降悔不從君經歲住花時
同倒鬪雞缸

灘石稜嶒嶺險巖珠江重到鬚如絲較量一事應輸我五月
堆盤噉荔支

上九江郡守叔

九派烟江接蠡湖潯陽風物儘堪娛蓮花擬結東西社羸髻

遙看大小姑謝客近多池草句阮咸許入竹林圖官廚脫網
鱖魚美到此令人懶問途

梅心驛書所見

兩兩相攜女伴行鳳陽花鼓寂知名笑他也學羅江怨對客
低頭作慢聲

同心蘭花

濯枝小雨灑珠江並蒂蘭抽白玉缸未見崔徐勻粉墨空憐
屈宋賦薜蘿黃蜂背蕊偏成對

國香譜載蜂采他花俱口
銜足感惟蘭蕊以背負之

錦蝶尋香

也作雙天末消魂是孤客幾回護惜拓紗牕

初食新州荔支色香味已變戲成二律

蘭湖雨遇發南颺未噉新州蠟荔支翠籠分裝纔幾日冰盤
竟擘已過時多情莫厭徐娘老赴約須知杜牧遲西蜀酸甜

小紅顆也曾撩得少陵詩

輕紅挂綠早登盤自笑新來量漸寬當暑最能消客夢飽嘗
幾度廢中餐設如蚶子紋還皺核比丁香結乍乾漢主不知
三日變空今變微遞長安

再食新州荔支色香味無損疊前韻二首

十八雲鬟趁曉颺將圓類染燕支芙蓉邏入濃烟裏翡翠

虛當細雨時

芙蓉邏翡翠虛皆嶺南地名

樹底珊瑚垂子重園中鳥雀繞枝遲

本草荔支熟時人若未采則蟲鳥不敢近一經攀摘蟲鳥竟集故土人必于日中采之

蜀山閩海知難及玉局仙人

屢賦詩

珠露灑灑荷折盤嫩涼消暑客愁寬官齋閒許諸孫住香荔
拚教恣意餐柳酒滿瓢殊少味蔗漿迎節易中乾何如頗頗
嚼瓊實藥竈無煩砌下安

初食新州荔支以色香味已變湯寓憾詞夜來重噉
風韻劇佳已疊前韻二首再賦一律為十八娘解
嘲

楊梅盧橘為先驅細蹙紅羅裹玉膚七聚未須誇玳瑁兩川
何必重珍珠謾將西子輕唐突亂寫明妃入畫圖嗤點傾城
吾甚悔頓教人說是僊吳

七夕

盼到秋河絡角時露香風細慰相思素娥凝恨成遙妒
靈鵲多情赴好期暮雨又留來歲約愁機重織斷腸詩別離
情緒難消遣只有雙星脈脈知

七夕後一日

掩袖傾囊怯早秋河邊灑淚雨初收風筵乍寫經年恨夜帳

新添一段愁金井有時桐葉墮碧天無語杼聲幽懸知萬頃
星灣畔妒殺鴛鴦睡插頭

雛鸚鵡

慧禽生小已嬋娟好似邊鸞画裏傳薄薄香脣緣食啓纖纖
素趾動人憐芳林暗妒鶯調舌綺閣偏憎燕比肩只為聰明
絆鈴索羨他野雀性靈全

諸葛武侯銅鼓歌為家中丞賦

建興三年春三月丞相奉命揚王延白旄黃鉞左右列曲莖
孔蓋高亭亭羽葆鼓吹各一部前後導擁將皇靈更有虎賁
士六十軍裝劍佩聲玲玎

裴松之三國志注詔賜亮金鈇鉞一具曲蓋一前後羽葆鼓吹各一部虎賁六十人

羣蠻

梗化常事耳遣將亦足征殊庭何為重煩元老出注燭無異
輸滄溟若曹若孫均漢賊曷不告廟行天刑豈知純臣有長